



www.ysgolbotwnnog.org



YN Y BWLETIN TYMOR YMA

- ✓ **CYSYLLTU**
- ✓ **BLYNYDDOEDD 10 AC 11**
- ✓ **PRESENOLDEB**
- ✓ **DYDDIADAU**
- ... **A MWY**

GAIR GAN Y PRIFATHRO

Croeso'n ôl i'r ysgol i bawb yn dilyn gwyliau'r haf - croeso arbennig i'r 111 disgybl newydd ym mlwyddyn 7 - un o'r blynyddoedd mwyaf yn hanes yr ysgol.

Byddwn yn gyrru bwletin tymhorol i chi gyda gwybodaeth bwysig am ddigwyddiadau dydd-i-ddydd yn yr ysgol gan gynnwys dyddiadau pwysig.

Os oes gennych unrhyw ymholiadau pellach yna peidiwch ag oedi â chysylltu.

Hysbyswch ni ar unwaith am unrhyw newid i'ch manylion cyswllt - rhif ffôn cartref, symudol neu ebost, os gwelwch yn dda.

CYSYLLTU Â'R YSGOL

Os oes unrhyw beth yn eich pryderu ynglŷn â bywyd ysgol eich mab/merch yna cysylltwch â ni:

☎ 01758 730220

SYLWCH BOD CYFEIRIADAU EBOST NEWYDD

✉ pennaeth@botwnnog.ysgoliongwynedd.cymru
neu **swyddfa@botwnnog.ysgoliongwynedd.cymru**

💻 www.ysgolbotwnnog.org/cysylltu.php

Mi geisiwn ymateb i'ch pryder o fewn 24 awr.

Ymweld â'r Ysgol - DRWY APWYNTIAD YN UNIG OS GWELWCH YN DDA

Er diogelwch mae angen i pob ymwelydd gofrestru yn y Brif Swyddfa wrth gyrraedd yr Ysgol.

CYSYLLTU Â'R CARTREF

Byddwn yn ceisio gyrru gwybodaeth i gartrefi ein disgyblion yn weddol aml - gwybodaeth am ddyddiadau pwysig, gweithgareddau ac yn y blaen. Byddwn hefyd angen cysylltu mewn argyfwng o bryd i'w gilydd.

E-bost

Rydym yn ceisio lleihau nifer y llythyrau rydym yn eu gyrru ar bapur. Mae hi'n gallu bod yn fwy cyfleus, cyflym a dibynadwy gyrru neges ar ebost neu hyd yn oed, os oes mater brys yn codi, drwy neges destun.

I wneud hyn mor hwylus â phosibl hoffwn i chi sicrhau bod swyddfa'r ysgol gyda'ch manylion ebost cywir.

Os oes gennych gyfeiriad ebost ond heb dderbyn y bwletin yma drwy ebost a fuasech cystal â gyrru neges i - swyddfa@botwnnog.ysgoliongwynedd.cymru i ddweud hynny gan nodi enw a dosbarth eich plentyn.

Negeseuon Testun

Byddwn yn gyrru neges destun weithiau mewn achos o argyfwng.

STAFF

Croeso i staff newydd:

- Mrs Ela Fflur Jones, sydd yn dysgu Mathemateg yn bennaf;
- Mrs Llinor Williams, sydd yn dysgu Cymraeg;
- Miss Marged Rhys, sydd yn dysgu Cymraeg dros gyfnod mamolaeth Mrs Ceri Meredydd;
- Mr Elgan Jones, sydd yn dysgu Gwyddoniaeth;
- Mrs Elin Denham, sydd yn dysgu Addysg Gorfforol;
- Miss Debbie Williams, sydd yn dysgu Cerddoriaeth;
- Mrs Brenda Dobson, sydd yn Gymhorthydd Dysgu.

Dymuniadau gorau i:

- Mr Ifan Thomas sydd wedi derbyn swydd gyda'r Urdd;
- Mr Phil Kitchen sydd wedi symud i Ysgol Eifionydd;
- Miss Dawn Williams sydd wedi dechrau cwrs hyfforddiant i fod yn athrawes.

DIOGELU PLANT

Un o brif flaenoriaethau'r ysgol ydi cadw disgyblion yn ddiogel.

Os oes ganddoch amheuan am ddiogelwch unrhyw blentyn yn yr ysgol yna Swyddog Dynodedig Amddiffyn Plant yr ysgol ydi Mr Aled Williams. Os oes gennych bryder am blentyn y tu allan i'r ysgol yna gallwch gysylltu â Swyddog Diogelu Plant Gwynedd drwy alw **01758 704 455** (Rhif allan o oriau: 01248 353551), neu drwy ebostio: cyfeiriadauplant@gwynedd.llyw.cymru

BWLIO A DIOGELWCH ARLEIN

Pan mae achos o fwlio mae staff yn gwneud eu gorau i rwystro'r bwlio rhag digwydd eto. 'Rydym am i'n pobl ifanc fod yn hapus a diogel yn yr ysgol. Nid ydym am weld unrhyw ddisgybl yn dioddef bwlio. Mae'r disgyblion yn gwybod y gallant siarad ag unrhyw aelod o'r staff i adrodd am unrhyw fath o fwlio.

Mi wyddoch hefyd fel rhieni / gwarcheidwaid y gallwch gysylltu â'r ysgol i drafod bwlio neu i adrodd am fwlio.

Gallech hefyd ymweld â gwefan www.bullying.co.uk a llawer o wefannau tebyg am gyngor pellach. (Gweler y dudalen *Gwefannau Defnyddiol* ar wefan yr ysgol <http://www.ysgolbotwnnog.org/gwefannau-defnyddiol.html>)

Ceir llawer o wybodaeth defnyddiol am gadw eich plant yn ddiogel arlein ar wefan [Net-Aware](http://www.net-aware.org) yr NSPCC sydd yn rhoi cyngor penodol am wahanol rwydweithiau cymdeithasol, apps a gemau.

ARDAL DIM CNAU

Am resymau meddygol dwys, ni chaniateir cnau nac unrhyw gynnyrch sydd yn cynnwys cnau yn yr ysgol.

Mae gan rai disgyblion yn yr ysgol alergedd i gnau sydd yn gyflwr peryglus iawn sydd yn gallu arwain at salwch difrifol.

Felly, gofynnwn yn garedig i chi fod yn ofalus wrth baratoi unrhyw focsys bwyd neu fyrbrydau ar gyfer eich plant i sicrhau nad ydynt yn cynnwys cnau na chynnyrch cnau (fel bariau siocled / egni / bisgedi / cacennau).

Diolch yn fawr iawn am eich cydweithrediad gyda'r mater pwysig yma.



APÊL - LLYFRAU YSGOL

Plîs allwch chi daro golwg i weld os oes gennych lyfrau sydd yn perthyn i'r ysgol.

Mae ambell i ddisgybl yn anghofio dychwelyd gwerslyfrau neu lyfrau llyfrgell.

Buaswn yn gwerthfawrogi petaech yn gallu dychwelyd unrhyw lyfrau o'r fath os gwelwch yn dda.

BLWYDDYN 11 - 2021/2022

CANLYNIADAU

Llongyfarchiadau i ddisgyblion blwyddyn 11 ar eu canlyniadau haf yma.

Roedd canlyniadau disgyblion Ysgol Botwnnog ymysg y gorau yng Ngwynedd a Gogledd Cymru.

Oherwydd eu gwaith caled dros eu cyfnod yn yr ysgol, llwyddodd bron pob disgybl blwyddyn 11 i ennill 5 neu ragor o raddau TGAU neu gyffelyb, gydag 88% yn ennill o leiaf 5 gradd A*-C a dros bron i draean o'r disgyblion yn ennill o leiaf 5 gradd A neu A*.

Rhannwyd gwobrau i flwyddyn 11 yn y Prom:

Gwobr Goffa Glyn Jones - Chwaraewr rygbi mwyaf addawol - **Ioan Vaughan Jones a Ioan Emrys Williams**

Gwobr Goffa Lewis Roberts am ragoriaeth ym mhynciau STEM - **Gwern Williams**

Pencampwr chwaraeon y flwyddyn - **Jini Hughes a Noa Williams**

Gwobr Goffa Idris Williams - Dinesydd y flwyddyn - **Elgan Williams**

Urdd Lifrau Cymru - Myfyriwr mwyaf addawol - **Ela Rhys**

Llongyfarchiadau i'r disgyblion a phob dymuniad da i'r holl ddisgyblion ar gyfer y dyfodol.

Diolch i'r athrawon a'r rhieni am eu cefnogaeth dros gyfnod y disgyblion yma yn yr ysgol.

Gwerthfawrogi'r cardiau a rhoddion, a ddaeth gan ddisgyblion a rhieni, yn diolch i'r ysgol.

BLWYDDYN 11 ELENI

Mae hi hefyd wedi bod yn gyfnod anodd i ddisgyblion blwyddyn 11 presennol.

Mae Cymwysterau Cymru yn parhau i weithio ar drefniadau ar gyfer eleni gan gynnwys rhoi gwybodaeth o flaen llaw am gynnwys rhai arholiadau.

Byddwn yn rhannu gwybodaeth gyda chi fel y daw i ni.

BLWYDDYN 10 AC 11

ARHOLIADAU ALLANOL

Bydd disgyblion blwyddyn 10 ac 11 yn sefyll arholiadau **ALLANOL SWYDDOGOL** (sydd **YN** cyfrif tuag at eu graddau terfynol) ar sawl adeg yn ystod y ddwy flynedd - taflen dyddiadau ar ddiwedd y bwletin yma.

ASESIADAU DAN REOLAETH / ASESIADAU DI-ARHOLIAD (*Gwaith cwrs*)

Mae Aseidiadau dan Reolaeth ac Aseidiadau di-arholiad (*gwaith cwrs gynt*) yn bwysig yn y rhan fwyaf o bynciau TGAU. Maent yn cyfrif rhwng 20% a 100% o'r marc terfynol ym mron bob pwnc.

Mae'r rhain yn cael eu cynnal drwy gydol blwyddyn 10 ac 11 mewn gwahanol bynciau - o'r wers gyntaf ym mlwyddyn 10 tan fis Mai Blwyddyn 11.

Mae'r rhan fwyaf o'r rhain yn gorfod cael eu cwblhau o fewn hyn a hyn o oriau mewn gwersi dan oruchwyliaeth athro - felly os yw eich mab/merch yn absennol o'r gwersi yna bydd rhaid iddynt ddal i fyny amser cinio neu ar ôl ysgol.

TYSTYSGRIF HER SGILIAU A BAGLORIAETH CYMRU (BAC)

Mae cwrs BAC yn cael ei ddilyn gan bawb ym mlynnyddoedd 10 ac 11. Ym mlwyddyn 10 bydd rhaid cwblhau 3 her fydd yn cael eu hasesu o dan reolaeth. Ym mlwyddyn 11 bydd prosiect ymchwil unigol yn cael ei gwblhau gan bawb, wedi ei selio ar ddyheuadau'r disgybl i'r dyfodol. Ar ddiwedd cwblhau'r 4 darn gwaith bydd gradd yn cael ei ddyfarnu — hwn fydd y Dystysgrif Her Sgiliau, sydd yn gywerth â TGAU ac sydd gyda graddau tebyg.

I ennill y gymhwyster BAC rhaid i ddisgybl hefyd basio 5 arholiad TGAU neu gyfatebol gan gynnwys Mathemateg ac Iaith.

PRESENOLDEB

Mae presenoldeb da yn parhau yn flaenoriaeth yn yr Ysgol. Er gwaetha'r sefyllfa mae presenoldeb y mwyafrif o'n disgyblion ni'n parhau i fod yn dda iawn.

Mae presenoldeb rheolaidd yn yr ysgol yn hanfodol os yw'r disgyblion i fanteisio yn llawn ar y cyfleoedd sydd ar gael iddynt.

PRYD DDYLWN GADW FY MHLENTYN ADREF OHERWYDD COVID-19?

Yr arweiniad diweddaraf gan yr awdurdodau ydi, dylech gadw eich plentyn adref o'r ysgol:

- os ydynt yn arddangos symptomau COVID-19 - peswch, gwres uchel, newid yn synnwyr blasu/arogli;
- os ydynt wedi derbyn prawf Covid positif.

Os nad ydych yn siŵr yna cysylltwch â'r ysgol.

ABSENOLDEB - TREFN CYSYLLTU

Er mwyn sicrhau bod pawb sydd i fod yn yr ysgol yn bresennol, gofynnwn i chi gysylltu â'r ysgol **POB bore** unrhyw absenoldeb fel ein bod yn gwybod os yw eich mab/merch i fod yn yr ysgol ai peidio y diwrnod hwnnw.

Gofynnwn i chi adael i ni wybod os yw eich mab/merch yn absennol drwy **ffonio 01758 730220 rhwng 8:15 a 9:15**.

Os na fydd yr ysgol wedi derbyn galwad ffôn erbyn 9:15 o'r gloch yn dweud wrthym pam nad yw eich plentyn yn yr ysgol, yna byddwn yn cysylltu gyda'r cartref neu'r man gwaith.

Os yw eich mab/merch yn cyrraedd yn hwyr—dylent sicrhau eu bod yn cofrestru yn y swyddfa.

CAIS AM WYLIAU TEULU YN YSTOD Y TYMOR

Mae cyfarwyddiadau gan y Llywodraeth drwy'r Cyngor Sir ynglŷn â chyfrifoldeb yr ysgol wrth awdurdodi gwyliau yn ystod y tymor ym mholisi Presenoldeb y Llywodraethwyr. Er mwyn i ni allu awdurdodi unrhyw wyliau yn ystod y tymor ysgol mae'n rhaid i rieni wneud **cais ysgrifenedig i'r ysgol cyn mynd ar y gwyliau (gall fod ar ffurf ebost).**

Mae gan Corff Llywodraethu'r Ysgol ddisgresiwn sydd wedi ei ddirprwyo ganddynt i'r Tîm Rheoli i awdurdodi gwyliau ai peidio. Bydd hyn yn dibynnu ar hyd y gwyliau ac unrhyw wyliau blaenorol, cyfradd presenoldeb cyfredol y disgybl, yr adeg o'r flwyddyn ac effaith ar ddilyniant addysgol y disgybl, os yw'n tarfu ar asesiadau / arholiadau. Ni fyddwn yn awdurdodi mwy na 5 diwrnod o wyliau mewn unrhyw flwyddyn ysgol i ddisgyblion blynnyddoedd 7 - 9.

Os na fyddwn yn gallu awdurdodi gwyliau o flaen llaw bydd yn ymddangos fel absenoldeb anawdurdodedig ar record y disgybl.

NI FYDDWN YN AWDURDODI ABSENOLDEB GWYLIAU YN YSTOD Y TYMOR I DDISGYBLION BLYNYDDOEDD 10 AC 11 GAN EI FOD YN ANORFOD AM GAEL EFFAITH AR GYNNYDD EICH MAB/MERCH, ONI BAI BOD YNA AMGYLCHIADAU EITHRIADOL IAWN.

CASGLU EICH PLENTYN YN YSTOD Y DYDD

Os ydych angen casglu eich mab/merch yn ystod y dydd yna mae angen gadael i'r swyddfa wybod. Dylai disgyblion sicrhau eu bod yn cofrestru allan o'r ysgol cyn gadael y safle, a chofrestru yn ôl i mewn os ydynt yn dychwelyd i'r ysgol yn ystod y dydd. Ffoniwch y swyddfa pan rydych wrth y giat yn hytrach na dod ar y safle os gwelwch yn dda.

SALWCH YN YSTOD Y DYDD

Os yw eich mab/merch yn sâl yn ystod y dydd ac angen eu casglu yna bydd aelod o staff yr ysgol yn cysylltu â chi. Nid oes caniatâd i ddisgyblion gysylltu yn uniongyrchol gyda chi i drefnu eu casglu pan fônt yn sâl. Ffoniwch y swyddfa pan rydych wrth y giat yn hytrach na dod ar y safle os gwelwch yn dda.

MEDDYGINIAETH YN YR YSGOL

Os ydych am i'ch plentyn ddod â meddyginiaeth i'r ysgol mae angen **llenwi ffurflen ganiatâd 3B**. (Ar gael o'r swyddfa.)

Cofiwch fod rhaid i bob meddyginiaeth gael ei gadw yn y swyddfa ac eithrio pwmp asthma (mewn rhai achosion). Mae posib gweld y polisi llawn neu lawrlwytho'r ffurflen ganiatâd ar wefan yr ysgol (RHINIEN - DOGFENNAU) neu cysylltwch â'r swyddfa os ydych yn dymuno copi papur.

TYWYDD GARW A CHAU'R YSGOL

Os cyfyd sefyllfa pan fo rhaid cau'r ysgol oherwydd rhesymau tu allan i'n rheolaeth - tywydd, dim trydan neu ddŵr, ac yn y blaen; byddwn yn ceisio gyrru neges destun i'r cartref i'ch hysbysu. Gallwn yrru neges i bob cartref o fewn munudau er mwyn eich hysbysu - cyn belled fod gennym rif ffôn symudol dilys.

Byddwn hefyd yn rhoi cyhoeddiad ar Radio Cymru ac ar wefan y Cyngor - www.gwynedd.gov.uk cyn gynted â phosibl.

Os oes rhaid cau'r ysgol yn ystod y dydd a bod angen anfon y plant gartref oherwydd ystyriaethau iechyd a diogelwch - dyma fydd y drefn:-

- hysbysu'r cartref drwy ebost a/neu neges destun,
- y plant i fynd gartref ar y bws arferol (os mai felly maent yn dod i'r ysgol),
- wedi dod oddi ar y bws y plant i fynd i'w cartrefi neu i dŷ perthynas neu ffrind (yn ôl eich cyfarwyddyd chi).

FFONAU SYMUDOL

- Ni chaniateir y defnydd o ffonau symudol na theclynau cyfathrebu cludadwy o unrhyw fath yn ystod oriau ysgol (8:40 - 3:35)** gan gynnwys ar y daith i'r gwersi Addysg Gorfforol yn y ganolfan hamdden (bl. 10/11) heb ganiatad penodol gan aelod o staff.
- Os ydych angen cysylltu gyda'ch mab/merch mewn argyfwng gallwch gysylltu gyda swyddfa'r ysgol ac yn yr un modd os oes wir angen i'ch mab/merch eich ffonio chi gallant wneud hynny o'r swyddfa.
- Os ydynt yn dod â ffôn gyda nhw i'r ysgol yna dylid ei diffodd wrth gyrraedd yr ysgol, a'i chadw wedi ei diffodd ac o'r golwg nes iddynt adael tir yr ysgol diwedd y dydd - os dymunant gallant adael eu ffôn yn y swyddfa yn ystod y dydd.
- Os ydi disgyblion yn torri'r rheol yma, byddwn yn cymryd y ffôn oddi arnynt ac yn ei chadw'n ddiogel tan diwedd y dydd.
- Os ydi disgybl yn torri'r rheol fwy nac unwaith, byddwn yn cymryd y ffôn oddi arnynt ac yn ei chadw'n ddiogel hyd nes y byddwch chi yn gallu dod i drafod y sefyllfa a chasglu'r ffôn o'r ysgol.
- Ystyrir caniatáu mynd â ffôn ar deithiau sydd y tu allan i oriau arferol ysgol er hwylustod - ond dim ond i'w defnyddio yn ôl canllawiau'r athrawon sydd yn gyfrifol am y daith.

Nid yw'r ysgol yn derbyn unrhyw gyfrifoldeb am achosion o ddwyn, colli neu ddifrod i ffonau symudol na theclynau cyfathrebu cludadwy eraill.

TEITHIO AR FYSUS YSGOL

Cyngor Gwynedd sydd yn gyfrifol am drefnu cludiant i'r ysgol. Mae gwyboadeth, gan gynnwys amserlenni, sut i wneud cais am gludiant am ddim a pholisi cludiant y cyngor ar gael ar eu [gwefan](#).

Os ydi eich plentyn yn gymwys am pas bws am ddim yna dylent fod wedi ei dderbyn erbyn hyn. Os nad ydynt yna cysylltwch â swyddfa'r ysgol neu gyda'r adran gludiant ysgol 01766 771000. Dylid cario'r pas bws bob dydd i sicrhau cael teithio ar y bws ysgol. Os collir pas bws, rhaid archebu un newydd gan y Cyngor Sir yn swyddfa'r ysgol am £5.

Mae diogelwch ar y bws ysgol yn bwysig iawn. Rhaid i ddisgyblion ymddwyn yn gyfrifol ac yn ddiogel wrth deithio i'r ysgol a rhaid dilyn y rheolau yn y Côt Ymddygiad wrth Deithio ar Fysiau Ysgol. Os nad ydynt yn dilyn y côd hwn, er eu diogelwch nhw a diogelwch pobl eraill, gall yr awdurdod lleol a'r ysgol gymryd camau yn eu herbyn. Gall hyn olygu tynnu'r hawl i gael cludiant i'r ysgol oddi arnynt a hyd yn oed eu gwahardd o'r ysgol.

Gellir gweld y côd ymddygiad drwy glicio [yma](#).

Nid oes gan yr ysgol yr awdurdod i ganiatáu i unrhyw ddisgybl deithio ar fws gwahanol i'r hyn sydd ar y pas bws, e.e. i fynd i Bwllheli neu i dŷ ffrind neu berthynas arall. Rhaid cadw at y bws sydd wedi ei nodi ar y pas am resymau iechyd a diogelwch.

DYDDIADAU GWYLIAU

TYMOR YR HYDREF 2022 - Medi 1 - Rhagfyr 23

Diwrnodau Hyfforddiant Staff (Dim ysgol i blant) Medi 1 a 2
Diwrnod Hyfforddiant Staff (Dim ysgol i blant) Hydref 28
Gwyliau Hanner Tymor Hydref 29 - Tachwedd 6
Diwrnod Hyfforddiant Staff (Dim ysgol i blant) Tachwedd 7
Diwrnod Hyfforddiant Staff (Dim ysgol i blant) Rhagfyr 23
Gwyliau Nadolig Rhagfyr 24 - Ionawr 8

TYMOR Y GWANWYN 2023 - Ionawr 9 – Mawrth 31

Diwrnod Hyfforddiant Staff (Dim ysgol i blant) Chwefror 17
Gwyliau Hanner Tymor Chwefror 18 - 26
Gwyliau'r Pasg Ebrill 1 - 16

TYMOR YR HAF 2023 - Ebrill 17 - Gorffennaf 20

Calan Mai Mai 1
Gwyliau Hanner Tymor Mai 27 - Mehefin 4
Diwrnod olaf Tymor yr Haf Gorffennaf 20

CYFARFODYDD RHINI

Dyma restr o ddyddiadau ar gyfer cyfarfodydd rhieni yn ystod y flwyddyn - byddwn yn cadarnhau yn nes at y dyddiad os ydynt yn rhai byw neu ar-lein.

Blwyddyn	11	7	8	11	9 (dewisadau)
Dyddiad	19/10/2022	6/12/22	24/1/23	8/3/23	16/5/23

Byddwn yn cadarnhau dyddiad cyfarfod rhieni blwyddyn 10 unwaith y cawn gadarnhad o'r amserlen arholiadau allanol.

DYDDIADAU ARHOLIADAU - DRAFFT 1

Mae'r dyddiadau hyn yn rhai **drafft yn unig**. Gallant newid yn sgîl datblygiadau tu allan i reolaeth yr ysgol. Byddaf yn eich hysbysu yn syth os oes rhaid eu newid.

ARHOLIADAU ALLANOL SWYDDOGOL

ARHOLIADAU ALLANOL HAF 2023 - BL 10 AC 11 15 Mai - 29 Mehefin*

ARHOLIADAU TGAU ALLANOL MIS IONAWR

TGAU Llên Saesneg Uned 1- Bl 11 ailsefyll Ionawr 11
TGAU Llên Cymraeg Uned 1 - Bl 11 set 1, 2 a 3 Ionawr 13

Diwrnod Canlyniadau TGAU i'w gadarnhau

* Bydd bl 10 ac 11 yn derbyn amserlen unigol yn agosach at y dyddiad. Dyddiadau i'w cadarnhau

ARHOLIADAU MEWNOL

Ffug Arholiadau Blwyddyn 11 - Chwefror 8 - 16

Arholiadau mewnol Blwyddyn 10

Bydd arholiadau ffug mewnol blwyddyn 10 yn cael eu cynnal ym mis Mawrth/Ebrill - rydym yn aros am gadarnhad o'r amserlen arholiadau allanol cyn pennu dyddiadau terfynol.

Arholiadau Blwyddyn 7-9 / Year 7-9 Examinations

Dyddiadau yr ydym yn bwriadu cynnal ein arholiadau mewnol haf nesaf **Mehefin 12 - 30**

CEFNOGAETH I'CH MAB/MERCH

Yn Ysgol Botwnnog 'rydym yn ymdrechu i roi'r gofal gorau i bob disgybl ac os yw eich mab/merch yn cael amser anodd neu yn cael trafferthion gyda'u gwaith neu broblemau lles yna mae gennym nifer o bobl a all eu helpu. Dyma rai ohonynt:

Mr Aled WilliamsDirprwy Brifathro
Mrs Alaw Jones JaphethLles y Merched
Mrs Carol Pilling / Mrs Susan Jones / Miss Elen HughesAnogwyr Dysgu
Ms Deneise Jones Cwnselydd
Mrs Carys Hughes Swyddog Lles Addysg yr Awdurdod
Ms Bethan Jones..... Nyrs Ysgol
Miss Ffion Jones/Mr Eurig Davies.....Cydgysylltwyr Anghenion Dysgu Ychwanegol

Os hoffech i ni gyfeirio eich mab/merch at un o'r uchod yna cysylltwch â Mr Aled Williams, y Dirprwy Brifathro.

GWISG YSGOL

Diolch am eich cydweithrediad gyda'r wisg ysgol.

Hoffwn eich hatgoffa am reolau esgidiau ysgol. Rhaid i unrhyw esgidiau neu trainers fod yn ddu yn unig. Ni chaniateir unrhyw ysgrifen, logos, gwadnau na charrai nad ydynt yn ddu. (DIM LLWYD!)



GEMWAITH A CHOLUR - NODYN ATGOFFA

Caniateir pâr o styds clust bach ac un fodrwy yn unig (RHAID tynnu rhain yn ystod gweithgareddau Addysg Gorfforol am resymau iechyd a diogelwch) - byddwn yn tynnu sylw disgyblion i unrhyw emwaith arall ac yn gofyn iddynt eu tynnu.

Os ydi disgybl yn gwisgo colur amlwg (gan gynnwys gewinedd lliwgar/ffals) yna byddwn yn tynnu eu sylw at hynny ac yn disgwyl iddynt wneud rhywbeth amdano.

AILGYLCHU GWISG YSGOL

CYDWEITHIO GYDA  **cancer care**
gofal cancer

Mae siop Tenovus, Pwllheli wedi cytuno i gydweithio gyda'r ysgol i werthu gwisg ail-law. Os oes gennych eitemau gwisg ysgol mewn cyflwr da nad ydych eu hangen bellach, yna byddai siop Tenovus, Pwllheli yn falch o'u cael er mwyn eu gwerthu ymlaen.

BANC DILLAD



Cofiwch hefyd am y banc dillad rydym yn rhedeg ar y cyd gydag Antur Waunfawr. Os oes gennych unrhyw ddillad neu decstilau nad ydych eu hangen yna gallwch eu rhoi yn y banc dillad er mwyn eu hailgylchu. Lleolir y banc dillad wrth fynedfa maes parcio'r staff o dan y Bloc Technoleg.